

A I T A S A N T U A R E N
I T Z A

Lan bearrezkoa derizkiot Aita Santuaren itz eta erakutsiak euskeraz ematea. Izan ere ez al degu Bera oso-osoan Kristo bigarrena?, ta ala danez bere itza Kristoren itza degu "Bide, Egi, Bizi naiz" zionaren itza.

Ase dezagun, bada, euskladun denok gure jakin-egarrria benetako iturri ortan, Kristoren Ordezko nagusiaren ez pafetatik darion ur bizi, garbian.

Baïen ortarako gure elean jarria bear genuke itz ori, gure mintzoan azaldua, errextua..., ta ori apaizok, gure e egitekoa degu.

Ara emen asteko, Aita Santuaren garagarrilleko itz lanen laburpen bat.

~~~~~

1965. Garagarrilla

3an : Italikoko neska-taldeari :

Aita Santuak zesaien : "...zuek bizi zeraten etxe en, jabeak zuen buruz nagusi ez baïo aita on izatea litzake nere blotzaren atseginiik biziena!". Ta gañera: "Gorputz begiekin gizon utsa dakuzute zuen nagusietan, sinismen begiz, oge dea, Jesukristo ber-bera.....Ez dagizute gero zuen berdin edo iñoiz kaxkarrago zaizuten gizonen esana, Jainkoarena bai ño".

3an : Vienako Ikastetxe Nagusiko lege-gizonai:

"Kristoren Eleizan oro, animen osasunerako dezute; zuen ikasgai edo jakintzagai ori ere, beraz, ortara zuzendu bearrean zerate, ots: salus animarum ori iristearren".

9an : Erri-Kutzaren 8'garren erriarteko Batzarrari:

Gizonarteko bizitzerik bai ote bakoitzak bere norberatasun motxean itxuturik, elkargoaren onari begiratzen ez badio?... Orregatik, bada, txalotzen du biziki "Crédito Popular edo Erri-Kutxa" sortzeko izan zutenaren askakizuna. Izan ere, Erri-Kutxa'ren egitekorik lenena, bere eskuan gizonak -bere "bakarrean" arturik- jarri duten dirua, gero askoren onerako izango diran lan-eginkizunetarako zabalitzea ez ote? Onak berak erakusten digu beraz, aukeratzen aste an, geroren onari baño betse gizonen onari geiago begiratu bear geniokela.

Baita ere erakusten digu, gure bear bakarra buruan izanik, gerokoaren ajolarik gebe bizi izango baginake ere, besteen onari begiratzen bagenioke, gaur "egun on" eta biar "or konpon" esaterik ez genukela.

Labur, lagunurkoaren onari dagokionez, begizabaleko izan bear genukela erakutsi nai digu Aita Santuak.

11an : Argitaltzalleen Erriarteko Batasunaren 14'garren Batzarrari. Itzaldia.

Idaztiak, iritziak iturri ta beraz jakintz-ituit diralarik, aur eta gazteen azkeran duten garrantziaz mintzatu ondoren "... irakurleari alde batetik, egi ta onari bestetik zor zaien begiruneak, argitaratu ondoren, adimenetan zurrara egiñen duten idaztiak ord, sakonki aztertzea beartzen ditu argitaltzalleak", detsale. Eta aolku berezi batzuk damazkie: "... diru-goseak ez zaitzatela itxutu; ontzat irizten dan gizonak ori ez dagi". Aññ zabaldua dan eta amari aññ txafak eman oi dituan elerti lotsagarriaz gogor itzegiten die, eta esaten, elerti lizun-tzar orren orde, elerti on eta garbi bat sortzearren alegiñak egiteko.

13an : Indonesia'ko Laterriren Lendakariari. Itzaldia.

Bere errian Erlijioaren alde azken urte auetan egin dituan lan eta alegiñak pozten dutela benetan, agertzen dio Aita Santuak. Gero, "...Kristoren agindua bear bezala betetzeko, Eleizaren egitekorik nagusiena erri guztietan bear tako apaiz-talde bat gertutzea da". Ortara irixteko urteetako lana bear dala agirian da. Orrebatik, bada, bitarte ortan "erri bateko katolikoak beste errietako anaien laguntzaren baarrean izango dira".

15en : Barzelona'ko gogo-jardunetako taldeari. Aolku.

"Iñaki Deunaren Gogo Jardunak gaur bertan ere egun-eguneko dituzute, eta itz bat, munduak entzun gabe utzi ez dezaken itza, esaten ari zaizkigu".

22en : Janari-Banatzalleen 3'garren Batzarrari.  
Itzaldia.

Beti eta guztientzat du Aita Santu onek itz e-goki eta zuzendari bat: "merkatzen salatu, saltzen duñaz erantzutza al izan, erostera datorrenari errextasun oro eman -surrean ugari duanetik aukera izan dezan-, ara emen banatza- lleanen egitekorik lenena". Zintzo jokatzeko dasaie, erosle-ari buruz, gezur eta okerrik egiteke.

25en : Arko'tar Jone Deunari izen ona itzul zioten eguneko bostgarrenez eunurte betetzean.

"Aize astindu batek, lañoak urratu-rik itxas-gizona kaiara zuzen eramango duan izarra agiri-agirian uzten duan eran, Jainkoak ere, erri baten egunik beltz edo illunennean, erriarentzat osasun izango dan gizakia bidaltzes, ez da bate re arritzeko. Arko'tar Jone Deuna gañera, gaur-eguneko kristau ok, auetan degu eredu, ots: Erro-sakoneko sinismenaren jabe izatean, zerutar agindu edo deia itxu-itxuan betetzean, eta em bear edo jasan-bear guztietan erakutsi zigun egonarrria erakustean."

26en : Milan'go Eritegi Nagusiari. Bostgarrenez eun urte betetzean.

"Eritegian Kristo berak duala tokirik nagusiena,

dio Aita Santuak : "Eritegi erdi-erdian eleiz bat izateak, eta Ontan Jesusek bere egiazko egoltza duen kutza, ogiaren antzirudipean izanik ere, ara adieraztera zer damaigun:

"Esan nai digu: Kristoren izenean sendatutako ga-  
xoeriak, bere animen Erroale, biotzen Pozgille eta bere gorpu-  
tzen Sendagille zerutarra, Kristo bera dutela.

"Esan nai digu: Jesus gure arteko bat izanik, -ogi-  
aren antzirudipean eleizan, eta gaxoaren biotzean era izkutu  
arrigarrian-, Berak ondo iritziko ez duanik, ez dezakegula  
ez gogoratu, ez esan, ez da ere egin.

"Esan nai digu: Norbait gaxo ikuste berak oistatzen  
begaitu, bere animari gaitz egiteko, erruki sundi eta itxusi-  
enaren errudun generala.

"Azkenik : eritegikoak oro, bere alen neurriam nos-  
ki, animen osasun ord. lortzearren, beren eskuen dagoena egite-  
ra beartuak dagozela"...

29an : Stepinak, Mindzenty, Wyszynsky Eleiz-Artzai eta  
komunista menpean dauden efi-alde aietako bes-  
te Artzai eta Kristauei.

"Egiatzko sinismenaren jabe izan eta bera guztien  
surrean agertzeagatik era guztietara jo tan zanpatuak izan  
zeratela badakigu, eta negartzen dugu... Baifia gelenik ukitzen  
gaituena aurtxi ta gazte taldea Jainkoagendik aldentzearren  
beran adimenak kaltegarri zaizkien gezurrezko jakintzaz be-  
tetzeko etsaiak dagizten alegiñak ikustea da".

Nagusi komunista menpean orainarte jasan bear i-  
zan dituzten ukaldietan, atsekabeetan... ain gizonki jokutzen  
jakin izan dutelako, bere eskerra agertzen die. Bañan urte  
beltz-illun auek aurrerakoan ere laguntzeko itxaropenik a-  
gertzen ez dala oartuaz eta batez ere, ainbeste urte zigor-  
pean arkitzeak bizkorrenaren biotza ere okiltzeko egokia  
dala nabaiturik...

"zaudete trinko zuen sinismenean, ta ez izutu; ezta  
ere esan zuen barruan, Kristok erakutsia ta agindua le-  
gundo bearrean generala gaur eguneko bearrak ala agintzen di-  
gutelako".

"Gozotasun apur bat orrela daudeneri eman nairik

Kristo Beraren itza gogoratzen digu: "zeru-lurrak igaroko dira; ez ordea, nik esana". Eta Berak ere esaten digu, Paulo deunaren aoz: "Zer diran lur ontan eraman ditugunak oro... betikotasunean izango degun zorionarekin berdintzen baditugu?". Oraingo au egun batekoa degu; gerokoa, ordea, ... beti betikoa. Orain, egun batez zigorpean izanik ere, gero betikotasun zoriotsua degu, gure.

Balerditar Yon

Lazkauko Beditara.

